

ուանը Միացեալ Հայաստանի աստիճանական իրականացման: Ապա թէ կարող է հետեւել քեմալական Տաճկաստանի կողմից գրաւուած անդրկովկասեան զաւառների, իսկ վերջէն միայն արեւմտեան Հայաստանի այս կամ այն — երկու պայմաններում էլ հայաթափուր — երկրամասի կցումը:

Կրկնում ենք: Երբ առաջադրւում է քաղաքական այս ծրագիրը, այդ դեռ չէ նշանակում, թէ նրա իրագործումը համարւում է կարճ ժամանակուան խնդիր: Բնաւ երբեք: Մենք չէ, որ այսչափ փորձերից եւ փորձառութիւններից յետոյ իսկ, մեր ոտքի տակից պիտի սահեցընենք իրական հողը ու ցնորքների ետեւից վազենք:

Աւելին. այս չէ նշանակում, թէ անդամ եթէ վաղը փոխուի քաղաքական դրութիւնը մեր հայրենիքում եւ Հ. Յ. Դաշնակցութիւնը նորէն իշխանութեան գլուխ անցնի, նա բոլոր պայմաններում պիտի հետապնդի անյապաղ կամ շուտափոյթ իրականացումը Միացեալ Հայաստանի:

Այսպէս դատել, կը նշանակէ հրաժարիլ, մի կողմից, քաղաքական շիտակ ուղեգծից եւ ամբոխավարութիւնը չփոթել քաղաքականութեան հետ, միւս կողմից էլ՝ չունենալ սեփական ոյժերի գիտակցութիւնը:

Եւ, եթէ մենք քննադատում ենք հայ բոլշեւիկների եւ նրանց կուրորէն հետեւող հայ քաղքենի տարրերի քաղաքականութիւնը՝ այդ անում ենք ոչ թէ նրա համար, որ նրանք աշխարհ, տուեալ պայմաններում գոհացում չեն տալիս եւ կամ չեն կարողանում գոհացում տալ հայ ժողովրդի հոգային արդար պահանջներին, այլ նրա համար, որ նրանք առհասարակ ուրաւում են նման պահանջի գոյութիւնն անգամ, ժխտում են Հայաստանի սահմանների ընդարձակման անհրաժեշտութիւնը, բռնուն պայքար են մղում Միացեալ Հայաստանի գաղափարի դէմ իսկ, հռչակելով այն որպէս աշխարհակալական եւ արկածախնդրական:

Ուրիշ խօսքով՝ մեր եւ մեր հակառակորդների էական տարբերութիւնը սկզբունքային է, մեր ներհակութիւնը հետապնդած իտէալի եւ իտէալների շուրջն է: Մեր եւ, — որ նոյնն է — սեփական հայրենիքի ամբողջացումը իրեն ի-

տէալ դժած հայ ժողովուրդի — իտէալն է, որ ուրացւում է եւ արհամարհւում: Եւ քանի կայ, շարունակւում է այս մտայնութեանց միջեւ գոյութիւն ունեցող վիճը, անկարելի է նաեւ՝ կամըջել նրանց:

IV

Ցնո՞րք է, պատրա՞նք է ամբողջական Հայաստանի գաղափարը:

Մենք ոչինչ չունինք բոլոր նրանց դէմ, որոնք անկեղծօրէն եւ սեփական դատողութեամբ հասած են նման եղբայրացութեան: Բայց այդպիսիներից պահանջելու իրաւունքը ունինք մենք, որ նրանք չուրանան այն փաստը, թէ այդ գաղափարը խորապէս իւրացրել է հայ ժողովուրդը եւ յամառօրէն հետապնդում է նրա իրականացումը:

Եւ ո՞վ է, ո՞ր ազգն է, որ այսօր չէ ձգտում իր հատուածների եւ իր հողերի հաւաքման ու ամբողջացման: Եւ մի՞թէ քիչ են նրանք, որ արդէն իսկ իրականացրել են այդ իտէալը:

Շատ չէ, ընդամէնը 10-15 տարի առաջ բուրժուական աշխարհակալութիւն, արկածախնդրութիւն, յետամնացութիւն եւ ազգայնականութիւն էր որակւում Եւրոպայի շատ ընկերվարականների — էլ չեմ ասում աւելի արմատական տարրերի — կողմից ազգահաւաքման ամէն մի ծրագիր: Եւ նրանց հետեւելով էլ՝ մեր տնաբոյս մարքսիստները — բոլշեւիկ թէ մենշեւիկ, միեւնոյնն է, բայց նաեւ՝ ոչմարքսիստ իսէրներ եւ ուրիշներ դեռ քսան տարի առաջ «պանարմենիզմ» որակելով խաբանում էին հայութեան եւ հայ հայրենիքի հաւաքման ու ամբողջացման բոլոր փորձերը, որ այն ժամանակ Հ. Յ. Դաշնակցութեան ղեկավարութեան տակ իրենց գրեթէ սկզբնաւորութեան մէջ էին գտնւում: Նրանք յետագէմ, բուրժուական, աշխարհակալական էին անուանում մեր ժողովրդական խաւերի ազգային ամենաոռոյժ ձգտումը՝ հաւաքուելու եւ ամփոփուելու սեփական յարկի տակ, միացեալ ոյժերով նուիրուելու հայրենիքի գարգացման մեծ գործին:

Դեռ այսօր էլ պատկերը հիմնովին չէ փոխուել, թէեւ, այնուամենայնիւ, ազգային